

Apricot

Zum zwanzigsten - auf die Melodie von El shaddai

Apricot, Apricot, seit zwanzig Johr gibt's Di jetzt scho,
ond en nomal zwanzig Johr, wirsch Du vierzig, des isch woehr,
Apricot, Apricot, s'isch als wärs scho emmer so
em Cevim, glei neberm Klo - ischs Apricot.

1. Aus ra ganz kloena Idee, bisch Du worda wirklich schee,
viele hen an Dir mit baut, mol hat's klappt, mol war's versaut,
Mit ma riesengroßa Schlag fiel die Decke frei herab,
Trotzdem hemmer weitergmacht, Manchmol war's fadschd wie a Schlacht,

2. Dei Design isch elegant, Biegeleisa an der Wand.
A ronde Theke, a Regal, boedes außarom aus Stahl.
Deine stiahl sen net bequem, abber schee sen se trotzdem.
Manche Schramma gibts jetzt zwor, doch en deem Alder isch des klar.

3. Pommes, Schnitzel on Salad, fritiert bei hondertachtzig Grad,
Sonderessa ganz nach Wunsch, on zu Weihnachta en Punsch.
Aus em Ofa kommt Baguette, Wilde Pommes aus em Fett.
Manchmol gibt's au heit no Eis, leider selta, des isch schad. (so en Scheiß)

4. Am a Disch, da sitzad vier, spielad Karda, trengad Bier.
Blos no gschwend a schnelle rond, doch bis rom isch, sends drei Stond.
An der Theke loent au wer, für die Hocker isch er zschwer.
Der drengt gern a Gläsle Wei, on mer schengt em au guat ei.

5. Hosch fir Freidag no koen Pla, no gosch oefach mol dortna.
Do triffsch emmer nedde Leid, so war's friher, so ischs heid,
i wünsch mir daß des so bleibt, daß Di weider wer be treibt,
von mir aus bleib au genau so, schließlich bisch Du's Apricot.